



Inatsisartunut ilaasortaq
Isak Hammon

§ 36 tunngavigalugu apeqqummut nr. 2010-109 digital TV-kkut kanal-it akissut

28. maj 2010
Sagsnr. 2010-024961
Dok. Nr. 385350

Asasara Isak Hammond

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

Kalaallit Nunaanni digitalimik aallakaatitsissummik pilersitsinissaq, tassunga ilanngullugu tv-kanalinik digitaliusunik amerlanerusunik takusaqarsinnaanermut periarfissamut tunngasut pillugit apeqqutitit arlallit Naalakkersuisunut akeqqaatit. Apeqqutini pineqartumi teknikikkut ineriartupiloornermut atatillugu periarfissat Kalaallit Nunaanniittunut tamanut atuuttariaqarnerannik tunngavilersorpatit.

Aallarniutigalugu ilisimatitsissutigineqassaaq digitalimik aallakaatitsissummik pilersitsinissamut tunuliaqutaasooq tassaammat maanna siammarterissutip analogiusup nutaanngilisimanera aserfallassimanageralu. Digitalimik aallakaatitsissut tamatumunnga atatillugu aningaasaqarnermut iluaqutaassaaq, ingerlatsinikkut qularnaannerulluni, aammalu tv-kanalit amerlinerannik kinguneqassalluni. Tamatumunnga peqatigitillugu oqaatigineqassaaq maanna tv-mik siammarterissut aallakaatitsissutinik analogiusunik tunngavilik nutaanngilisimammat siunissamilu qaninnerusumik taarserneqartariaqalissalluni. Europami tv-mik siammarterisut tamarmik ukiuni makkunani aallakaatitsissutiminnik analogiusunik matooraammata digitalimillu aallakaatitsissutinik pilersitsillutik, maanna aallakaatitsissutip ingerlanneqarnera qularnaarsinnaajumallugu kingoraartissanik pisariaqartinneqartunik pissarsiniarneq ajornakusoortorujussuuvoq. Taamaattumik Tele Greenlandip ukiuni qaninnerusuni maanna KNR-TV-mik analogiusumik siammarterinermut sullissinermik attassiinnarsinnaannginnissaa naatsorsuutigineqarpoq.

Apeqqutigineqartut imaanut tunngatillugu Naalakkersuisut periarfissaq iluatsillugu oqaatigerusuppaat isumaliutinik apeqquteqarnermut tunngavigineqartut naammagisimaarlugit, tassami aallakaatitakkat Kalaallit Nunaanniittunit tamanit atorneqarsinnaasumik amerlasuujunissaat assigiinngiaartuunissaallu Naalakkersuisut aamma kissaatigimmassuk.

KNR-imik isiginnaartartut sorliit digitalimik tv-kanalinik amerlanerusunik takusaqarsinnaanissaat pillugu apeqqummut tunngatillugu ilisimatitsissutigisinnaavara digitalimik aallakaatitsissut aasap 2010-milu ukiap ingerlanerani sumiiffinnut arlalinnut atorneqalissammat. Tamatumani pineqarput Nanortalik, Qaqortoq, Narsaq, Paamiut, Nuuk, Maniitsoq, Sisimiut, Aasiaat, Ummannaq, Qasigianguit, Ilulissat aamma Qeqertarsuaq. Tamatumunnga atatillugu atuilersitsinerup kingusinnerpaamik 2012-imi oktobarimi naammassineqarsimanissaa naatsorsuutigineqarpoq.

Qaqortumi, Nuummi, Sisimiuni Ilulissanilu tv-mik isiginnaartartut digitalimik tv-kanalinik isiginnaarsinnaareersut KNR-TV-mit tv-kanalinik amerlanerusunik neqeroorfigineqarsinnaaneritut apeqquummut tunngatillugu ilisimatitsissutigineqarsinnaavoq digitalimik aallakaatitsissut siullermik tv-kanalinik sisamanik nassataqassammat kingusinnerusukkut kanalit amerlanerusut atulersinnaallutik. Digitalimik aallakaatitsissut ima katitigaavoq nuna tamakkerlugu tv-kanalinik sisamanik taakkuninnga qularnaariffiussalluni, najukkami sumiiffiit najukkami tv-qarfanni tv-kanalinik arlalinnik pisisinnaanersut apeqquataatinnagu.

Kiisalu apeqqutigaat tv-mik isiginnaartartut suli tv-kanalinik amerlanerusunik isiginnaarsinnaanngitsut siullinneqassannginnerisut. Tamatumunnga atatillugu oqaatigineqassaaq digitalimik aallakaatitsissummik atuilerneq isumaliuteqarfigineqarsimaqimmat, immikkoortukkuutaaraluni atuilernissamut pilersaarusiormermik kinguneqartumik. Tamatuma kinguneraa illoqarfiit aqqaneq marluk 2010-mi ilanngunneqarnissaat, taamatullu aamma 2011-mi sumiiffiit 90 %-ii ilanngunneqarsimassallutik, aallakaatitsissutip nunaqarfiit sinnerini pilersinneqarnera 2012-imi naammassineqarsimassangatinneqarluni. Atuilersitsinissamut pilersaarusiormermut tunuliaqutaavoq Tele Greenlandip illoqarfiit naammattumik teknikimik suliaqarfiusut eqqaanni sanaartukkanik siullernik pilersitsinissamik kissaateqarsimanera. Tamanna misilittakkat naapertorlugit atortut nutaat aallarnisarnermi suliarineqartariaqartunik akornuteqakkajunnerusarnerannik pissuteqarpoq. Pilersitsineq nunaqarfanni angujuminaakkajunnerusartuni nanginneqarpat akornutit ilisimaneqartut tamarmik iluarsineqarsimasussaassapput. tamatumunnga atatillugu apeqquummut siullermut qulaaniittumut akissut innersuussutigineqassaaq, tassani allassimammat digitalimik aallakaatitsissut aasap matuma ukiassallu ingerlaneraniilli illoqarfanni arlalinni ullumikkut KNR-ip saniatigut allanik tv-kanaleqanngitsuni atorneqalereersimassasoq.

Aamma ilisimatitsissutigineqarsinnaavoq Tele Greenland sanaartukkanut allanut atatillugu sumiiffinni atuilersitsinerup suli angunngisaani digitalimik aallakaatitsissummumut attavilersuusersuinerimik piareersaammat. Assersuutigalugu erseqqissarneqarsinnaavoq Ilulissat nunaqarfiini radiokædemik annertusaasoqarmat, tamatumani digitalimik aallakaatitsissummumut attavilersuutit radiokædemik pitsanngorsaanerimut peqatigitillugu pilersinneqarlutik.

Taamatut suliniuteqarnikkut suliassaq tamarmi ingerlarsulersinnaavoq sumiiffiit nunaqarfiisa ilaanni digitalimik aallakaatitsissummik ingerlatsinermik aallartitsineq siuarsarneqarsinnaalluni, taamatullu aamma Kujataani nunaqarfanni taamatut suliniuteqartoqalereerluni.

Tamanna tunuliaqutaralugu Naalakkersuisut naliliipput Kalaallit Nunaanni digitalimik aallakaatitsissummik atuilerneq, tassunga ilanngullugu nunatsinni tv-kanalinik amerlanerusunik takusaqarsinnaanermut periarfissiuussineq teknologimut tunngasooreersut aallaavigalugit sapinngisamik naapertuuttumik aaqqissugaasut.

Inussiarnersumik inuulluaqqusilluta

Mimi Karlsen